

# INUIT ATAQATIGIIT

## INATSISARTUNI



Nuuk 27. Maj 2016

Matumuuna Inatsisartut suleriaasianni § 37 naapertorlugu Naalakkersuisunut apeqquutit imaattut ingerlatippakka:

**Apeqquutit:**

- 1. Mittarfinnik sanaartornissaq qanoq aningaasalersorneqassasoq naalakkersuisut takorloorpaat?**
- 2. Aningaasalersuinissaq aalajangiunneqareersimappat aningaasat aalajangiunneqareersut qassiuppat?**
- 3. Mittarfiit sanaartornissaannut pilersaarusiornissaanullu, aamma suliariumannittussarsiuussinerit suliniutillu aqunneqarnissaannik akisussaasunik, suliffeqarfinnik ingerlatseqatigiffinnik aqutsisussanilluunniit aalajangiisoqarsimappat kikkuuppat?**
- 4. Mittarfinnik sanaartornissat imaluunniit sanaartugassanik mittarfinnut tunngasunik aningaasaliisoqareersimappat suut aningaasaliiffigineqareerpat?**
- 5. Mittarfiit pillugit Pilersaarutit ingerlanneqarnerini aningaasartuuteqarfiusut suuppat aamma qanoq aningaasartuuteqarfiutigippat?**
- 6. Mittarfiliornissaq siunertaralugu suliat aporfefqarsimappata aporfii suuppat?**
- 7. Silap pissusaannik misissuinerit ingerlanneqarsimappata kikkut misissuinermit ingerlatsisuuppat qangalu aallartippat aamma qaugu naammassisappat?**
- 8. Ilumoorpa suliamik piviusunngortitsiniartussanik suliffeqarfinnik suleqateqartoqalereersimasoq? Kikkuuppat?**

(Aqqaluaq B. Egede, Inuit Ataqatigiit)

**Tunngavilersuut:**

Naalakkersuinikkut suliat ingerlasut ilisimatitsissutigineqassaarnikuummata apeqquuteqarnissamut periarfissat assut atorluartariaqalernikuupput. Taamaattumik Inatsisartunut ilaasortat malinnaaniarunik apeqquuteqaateqarluartarnissaat periarfissatuaarpasippoq. Apeqquutillu matumuuna nassiusakka aamma naalakkersuinikkut suliat ilisimatitsissutigineqartannginnerannik pissuteqarpoq. Taamaammat apeqquutit akineqarnissaat kissaatiginaqaaq.

Kissaatigaara apeqquutit ullut qulit qaangiutsinnagit akineqarnissaat.